



## Publicaziuns dalla vischnaunca, jamna 26

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2009-1003/03**

Giusep Fry-Gadola, Stallikerstrasse 24, 8142 Uitikon Waldegg; adattaziun dil project per la sanaziun ed engrondaziun dalla casa da pliras habitaziuns, construcziun da dus novs balcuns (30 cm profunditad), parcella 714, Via Alpsu 6, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 29-6-2010  
*Uffeci da baghegiar Disentis/Mustér*

---

### Acziun da beinvuglientscha

Igl onn vargau ha la Scola claustrala giu arranschau ina acziun singulara da beinvuglientscha. Scolaras e scolars, mo era scolastas e scolasts han runcau ell'alp Cavrein la pastira e refatg donns cuschunai dallas lavinas. En emprema lingia eis ei iu per rimnar e barschar la roma dallas plontas dereschidas e d'allontanar pignola.

Legreivlamein vegn quell'acziun repetida uonn. **Venderdis suentermiezdi, ils 9 da fenadur 2010** vegn la Scola claustrala a schubergiar uals e runcar uaul devastau. Ultra da quei vegnan els a remediare la Via da paders.

Las autoritads communalas selegnan da quell'iniziativa ed admettan ordavon in Dieus paghi alla direcziun dalla scola, als magisters ed allas scolaras e scolars per quella acziun da beinvuglientscha.

*Suprastonza communal*

---

### Premi Desertina 2010

Suenter ina interrupziun da dus onns ei previu da surdar uonn puspei il Premi Desertina.

Nus envidein perquei vischinas e vischins sco era uniuns ed instituziuns da far propostas per nominaziuns. Las propostas ein d'inoltrar entochen ils **31 da fenadur 2010** alla presidenta dalla cumissiun, geraua Cecilia Maissen-Desax, Via Cuoze-Sut 5, 7180 Disentis/Mustér. Las propostas san era vegnir annunziadas via e-mail all'adressa: [cmaissendesax@xdsi-gr.ch](mailto:cmaissendesax@xdsi-gr.ch).

Premiai vegnan personas privatas sco era instituziuns ed organisaziuns. Ils undrai ston esser domiciliai en vischnaunca ni haver ina relaziun speciala cun la vischnaunca.

Ulteriurs sclariments sur dil Premi Desertina anfleis Vus sin la pagina d'internet dalla vischnaunca da Mustér [www.disentis.ch](http://www.disentis.ch) *Sport/Temps liber/Cultura ni sut Servis/Spurtegl virtual/Leschas/300 Reglament Premi Desertina*.

*Cumissiun Premi Desertina*



### **Purschida gratuita**

La vischnaunca da Mustér porscha a ses habitonts la pussevkladad da visitar gratuitamein la *Casa da traffic* a Lucerna ([www.verkehrshaus.ch](http://www.verkehrshaus.ch)). Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi spezial (frs. 4.– reduziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagià cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)).

Nus giavischein ina nunemblideivla aventura el museum il pli frequentau en Svizra.

*Suprastonza communal*

---

### **Controlla da habitonts Mortori**

**Victor Maissen**, naschius ils 4 da zercladur 1922, morts ils 27 da zercladur 2010.

---

### **Betreibungsamt Surselva**

Siehe unter Cadi.

---

### **Clom d'urgenza 118 Agid dils pumpiers da tuttas uras!**

Preziadas vischinas, preziai vischins

Las vischnauncas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnauncas, mo cunzun per las personas che prestan survetsch. Per Vus resta denton il clom d'urgenza 118 era egl avegnir.

Nus supplichein perquei Vus d'alarmar ils pumpiers adina sur quella numera da telefon e buc empruar da contactar pumpiers sin via privata. Vus levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vus sin nossa nova pagina d'internet sut [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---

### **Ev.-ref. Kirchgemeinde der Cadi: Sommerlichmusikalischer Gottesdienst in Cavorgia**

Am **Sonntag, 11. Juli**, findet um 10.00 Uhr in der Kapelle s. Leci in Cavorgia ein sommerlich-musikalischer Gottesdienst im Grünen mit anschliessendem Apéro statt.

«Geh aus mein Herz und suche Freud»: Das gilt nicht nur für Wanderer und Radfahrer, eingeladen sind alle, Gross und Klein.



**Ludoteca Mustér**

**Liug/Ort: Halla Cons, tel. 076 494 39 92**

**e-mail: ludoteca@disentis.ch**

**Uras d'avertura / Öffnungszeiten:**

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

**Adatg!**

**Ils meins fenadur ed uost resta la ludoteca mintgamai serrada la gievgia.**

*Vies team dalla ludoteca*

---

**Biblioteca populara, Mustér**

**Liug: Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)**

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

**La biblioteca ei aviarta il fenadur ed uost:**

Gliendisdis/Montag 18.30–20.00

Venderdis/Freitag 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

*Biblioteca populara Mustér*

---